

INUIT ATAQATIGIIT INATSISARTUNI



UPA2026/147

21. maj 2026

Mimi Karlsen

Suliffeqarfimmik kisimiillutik ingerlatsillutik namminersorlutik inuussutissarsiuqartut Meerartaarnermut atatillugu sulinngiffeqarnermut aningaasaateqarfimmit meerartaarnermi sulinngiffeqarnermi ullormusianik pissarsisinnaassagunik, suliffeqarfimminnik unitsitsigallartussaajunnaarsillugit imaluunniit matusisinnaajunnaarsillugit Naartunermi, erninermi meeravissiarthaarnermilu sulinngiffeqartarneq pillugu Inatsisartut inatsisaata allanngortinneqarnissaanut siunnersuusiornissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Napaartoq Isak Petrussen, Demokraatit)

Inuit Ataqatigiit pingaartitarilluinnarparput meeraq inunngortoq pitsaanerpaamik aallartiffeqarnissaa. Sapinngisamik suut tamarmik pitsaanerpaaffimmiittariaqarput, soorlu peqqissutsikkut atukkat, angajoqqaat toqqissimasut meeqqallu toqqissimasumik inuunermi aallartinnissaa: Pingaaruteqartutaaq isigaarput angajoqqaanngorlaat toqqissisimanissat, atukkatigut, aningaasarsiornikkulluunniit toqqissisimanissaat pingaaruteqarpoq.

Taamaammat Inuit Ataqatigiit siunnersuut soqutiginarlippaat. Erninermini sulinngiffeqarnermut aningaasaateqarfik pilersitsinniaratsigu ilungersuuteqarpugut amerlanerpaat erninermi meeravissiarthaarnermilluunniit sulinngiffeqarnermini aningaalersorluarneqarnissaat pingaartikkatsigu.

Siunnersuuteqartup oqaaseqarnermigut taavaa inatsimmi piumasaqaataasut ilaat ippinnartillugu, tassalu kisimiilluni suliffiuteqartup erninermi meeravissiarthaarnermiluunniit aningaasarsissaguni taava suliffeqarfiutini matusariaqaraa. Tamannalu siunnersuuteqartup oqaasertalerpaa ajornerpaamik pisoqartillugu suliffeqarfik ataavartumik matuneqarneranik kinguneqarsinnaasoq, oqaatigalugulu Inuiaqatigiittut aallarnisaasut amerlanerusut pisariaqartikkigut. Tamannalu Inuit Ataqatigiinni isumaqataaffigaarput.

Isumaqatigaarputaaq oqarmat meerartaarnermut atatillugu sulinngiffeqarnermi ilaqtariit naleqquttumik pilersorneqarnissaminnut tunngavissaqarnissaat qulakkeerumallugu, meerartaarnermut atatillugu sulinngiffeqarnermut aaqqiissut pilersinneqartoq. Kisianni namminersorlutik inuussutissarsiuqartut inuunermi pilersitaasa matoratarsinnaaneranik aaqqiineq kinguneqartitsisinnaappat, tamanna naapertuutinnigitoq.

Taamaammat Inuit Ataqatigiit demokraatit taperserpagut isumaqarmata Naalakkersuisut siunnersuummik ittumik saqqummiusseqqullugit: Naartunermi, erninermi meeravissiarthaarnermilu sulinngiffeqartarneq pillugu Inatsisartut inatsisaannut allannguutissatut siunnersuummik saqqummiussissasut

INUIT ATAQATIGIIT INATSIARTUNI



imaattumik: Namminersorlutik inuussutissarsiutillit suliffeqarfimminnik
unitsitsigallarnissaannik imaluunniit matusinissaannik piumasaqaatitaqanngitsumik
meerartaarnermi sulinngiffeqarnermi ullormusiaqarsinnaassasut.

Aaqqiineq naleqquttumik, akisussaassuseqartumillu suli tunngaveqartussanngorlugu
meerartaarnermi sulinngiffeqarnermi ullormusiat,
matussusiisinaanertalerlugu/ilanngaasiisinaanertalerlugu killilimmik
inuussutissarsiornermik ataqatigiissinnaanngorlugit najoqqutassamik
pilersitsisoqassasoq.

Taama oqaaseqarluta Demokratit siunnersuutaat akueraarput.